



Bou ons kinders vir môre

Sondagskool 3

Lestitel: Die gelykenis van die onkruid

'n Ouerhandleiding

Sondagskooltuisonderrig



Liewe Ouer

Welkom by die les: “**Die gelykenis van die onkruid**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die gelykenis van die onkruid
Bybelwoord	Mattheus 13: 24 – 30
Lesdoelwit	Die kinders leer dat ons moet probeer om net dit wat goed is in ons harte te laat groei. As wagter en leermeester help die Heilige Gees ons om tussen goed en kwaad te onderskei.

Lesopsomming:

Deur die les van die saaier te herhaal (les 3.5.2), sal dit die kinders help om weer God se woord te sien as die saad wat gesaai word.

Die les fokus op die "Gelykenis van die onkruid" wat soos volg opgesom kan word: " 'n Boer saai goeie saad in sy veld. Snags kom sy vyand en saai onkruid tussen die koring. Albei groei. Die boer laat die koring ryp word. Dan haal sy werkers al die onkruid uit en verbrand dit. Die koring word bymekaargemaak en in die skuur gebring. "

Ons fokus op die feit dat God die saaier is. Hy saai net goeie sade in ons hart deur sy woord. Soms word boosheid ook deur die Duiwel in ons harte gesaai. Ons moet altyd waaksaam en bewus wees hiervan, sodat ons ons bes kan doen om die kwaad te vermy.

Wat beteken hierdie les vandag vir ons?

- God saai net goeie saad. Hy wil die goeie vrugte oes.
- Soms word boosheid(kwaad) ook toegelaat om in ons harte te groei. Ons moet daaraan werk om net die goeie te laat groei.
- Ons wil hê dat net liefde, vergifnis begrip, vriendelikheid en eerlikheid in ons moet groei.

Laat ons altyd onthou dat God net die goeie saad saai. Ons moet die Heilige Gees vertrou om ons te wys wat goed en kwaad is.



Sommige vrae wat ons kan vra:

- *Waarom het die boer toegelaat die goeie koring saam met die onkruid groei?*

Antwoord: Die boer weet dat as die onkruid uitgetrek word, van die goeie koring ook uitgetrek sal word. Hy wil hê dat al die goeie koring moet groei.

- *Wat leer die gelykenis ons?*

Antwoord: Ons fokus op die feit dat God die saaiër is. Hy saai net goeie sade in ons harte deur sy woord. Soms word boosheid ook deur die Duiwel in ons harte gesaai. Ons moet altyd waaksaam en bewus wees hiervan, sodat ons ons bes kan probeer om die kwaad te vermy. Die Heilige Gees sal ons lei.

- *Watter eienskappe en waardes moet ons toelaat om in ons te groei?*

Antwoord: Liefde, vergifnis, vriendelikheid, begrip, eerlikheid. Laat die kinders op hierdie idees uitbrei.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê, Leer ons hoe om U te dien

En help ons om u wil te doen, Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.